

"Ўзбекистон Конституциясига 25 йил" эсдалик нишонини таъсис этиш тўғрисида

Ўзбекистон Республикаси Президентининг фармони

«Ўзбекистон Конституциясига 25 йил» эсдалик нишони



1992 йил 8 декабрь – Ўзбекистон Республикаси Конституцияси қабул қилинган қун юртимиз тарихидаги буюк саналардан биридир.

Бош Қомусимиз хуқуқий демократик давлат ва кучли фуқаролик жамиятини барпо этиш, эркин бозор муносабатлари ва хусусий мулк устуворлигига асосланган иқтисодиётни қуриш, халқимизнинг тинч, обод ва фаровон ҳаётини таъминлаш, Ўзбекистоннинг халқаро майдондаги обрў-эътиборини юксалтириш, миллӣ қонунчилик тизимини шакллантириш ҳамда мамлакатимиз ҳаётининг барча соҳаларида ислоҳотларни муваффақиятли амалга оширишда мустаҳкам пойdevor бўлиб хизмат қилмоқда.

Ўзбекистон Республикаси Конституцияси қабул қилинганининг 25 йиллиги муносабати билан ҳамда мамлакатимиз мустақиллигини мустаҳкамлаш, унинг иқтисодий, сиёсий, ижтимоий, илмий, маънавий салоҳиятини ва мудофаа қурдатини юксалтириш, демократик ислоҳотларни чуқурлаштириш, давлатимиз сарҳадларининг дахлсизлигини таъминлаш, жамиятимизда хукм суроётган тинчлик ва барқарорликни, миллатлараро дўстлик ва тотувликни асраш, Асосий Қонунимизнинг ҳаётимиздаги ўрни ва аҳамиятини кенг тарғиб этиш, ёш авлодни қонунга ҳурмат, Ватанга меҳр ва садоқат руҳида тарбиялаш ишларига муносиб ҳисса қўшган юртдошларимизни тақдирлаш мақсадида:

1. "Ўзбекистон Конституциясига 25 йил" эсдалик нишони таъсис этилсин.
2. "Ўзбекистон Конституциясига 25 йил" эсдалик нишонининг Низоми ва тавсифи 1, 2-иловаларга мувофиқ тасдиқлансин.
3. Ўзбекистон Республикаси Вазирлар Махкамаси бир ой муддатда "Ўзбекистон Конституциясига 25 йил" эсдалик нишонлари ва уларнинг гувоҳномалари белгиланган тартибда тайёрланишини таъминласин.
4. Ушбу Фармоннинг ижросини назорат қилиш Ўзбекистон Республикасининг Бош вазири А.Арипов ва Ўзбекистон Республикаси Президентининг Давлат маслаҳатчиси У.Исмаилов зиммасига юклансин.

Ўзбекистон Республикаси Президенти

Ш.МИРЗИЁЕВ

Тошкент шаҳри, 2017 йил 10 октябрь

* * *

Ўзбекистон Республикаси Президентининг

2017 йил 10 октябрдаги ПФ-5201-сонли

Фармонига 1-илова

"Ўзбекистон Конституциясига 25 йил"

эсдалик нишони тўғрисидаги

НИЗОМ

1. "Ўзбекистон Конституциясига 25 йил" эсдалик нишони билан мамлакатимиз мустақиллигини мустаҳкамлаш, унинг иқтисодий, сиёсий, ижтимоий, илмий, маънавий салоҳиятини ва мудофаа қудратини юксалтириш, демократик ислоҳотларни чуқурлаштириш, давлатимиз сарҳадларининг дахлизлигини таъминлаш, жамиятимизда хукм сураётган тинчлик ва барқарорликни, миллатлараро дўстлик ва тотувликни асраш, Асосий Қонунимизнинг ҳаётимиздаги ўрни ва ахамиятини кенг тарғиб этиш, ёш авлодни қонунга хурмат, Ватанга меҳр ва садоқат руҳида тарбиялаш ишларига муносиб ҳисса қўшиб келаётган барча соҳа вакиллари, меҳнат фахрийлари, ҳарбий хизматчилар ва хуқуқни муҳофаза қилувчи органлар ходимлари ҳамда бошқа шахслар тақдирланади.

2. "Ўзбекистон Конституциясига 25 йил" эсдалик нишони билан Ўзбекистон Республикаси фуқароси бўлмаган шахслар ҳам тақдирланиши мумкин.

3. "Ўзбекистон Конституциясига 25 йил" эсдалик нишони Ўзбекистон Республикаси Президенти ёки унинг номидан Ўзбекистон Республикаси Олий Мажлиси Сенатининг Раиси, Ўзбекистон Республикаси Олий Мажлиси Қонунчилик палатасининг Спикери, Ўзбекистон Республикасининг Бош вазири, вазирликлар, идоралар, жамоат бирлашмалари ва бошқа республика органлари раҳбарлари, Қорақалпогистон Республикаси Жўқорғи Кенгеси раиси, вилоятлар ва Тошкент шаҳар ҳокимлари, шунингдек, шу ишга вакил қилинган бошқа шахслар томонидан тантанали вазиятда топширилади.

Мукофотланганларга эсдалик нишони билан бирга унинг гувоҳномаси берилади.

4. "Ўзбекистон Конституциясига 25 йил" эсдалик нишони кўкракнинг чап томонига давлат мукофотларидан кейин тақилади.

* * *

Ўзбекистон Республикаси Президентининг

2017 йил 10 октябрдаги ПФ-5201-сонли

Фармонига 2-илова

"Ўзбекистон Конституциясига 25 йил"

Эсадалик нишонининг

ТАВСИФИ

"Ўзбекистон Конституциясига 25 йил" эсадалик нишони 0,25 микрон қалинликдаги олтин билан қопланган мис қотишимасидан тайёрланади ва диаметри 34 миллиметрли доира шаклида бўлади.

Эсадалик нишонининг қалинлиги – 2,2 миллиметр.

Эсадалик нишонининг олд томони марказида оқ эмалдан ишланган саккиз қиррали юлдуз тасвиrlанган. Юлдуз марказида, тараляётган қўёш нурлари фонида Ўзбекистон Республикаси Давлат байроғининг рангли эмалдан ишланган ҳилпираб турган тасвири акс этган. Юлдузниng тепа қисмида баландлиги 3,5 миллиметр бўлган "25" ёзуви, пастки қисмида эса баландлиги 2,5 миллиметрли "YIL" ёзуви жойлашган. Эсадалик нишонининг пастки қисмида, саккиз қиррали юлдуз остида мовий рангдаги эмалдан ишланган очилган холатдаги китоб – Ўзбекистон Республикаси Конституцияси тасвири акс эттирилган. Ёзувлар зарҳал рангда.

Эсадалик нишонининг айланаси бўйлаб оқ эмалли доирада "O'ZBEKISTON KONSTITUTSIYASIGA" сўzlари ёзилган. Пастки қисмида, марказда иккита саккиз қиррали юлдуз оралиғида бир-бирига туташтирилган холатдаги иккита зайдун новдаси тасвиrlанган. Ёзувлар ва тасвиrlар зарҳал рангда бўлиб, ҳарфларниng баландлиги 2 миллиметрни ташкил этади.

Эсадалик нишонининг орқа томонида Ўзбекистон Республикаси Давлат герби тасвиrlанган бўлиб, пастки қисмида, марказда "2017" ёзуви жойлашган.

Тасвиrlар ва ёзувлар қабариқдир.

Эсадалик нишонининг олд ва орқа томонларининг четлари қабариқ доира билан ўралган.

Эсдалик нишони шойи лента билан қопланган тўғри тўртбурчак шаклидаги қадағичга илгакчалар ва ҳалқача ёрдамида уланган. Шойи лентанинг ўртасидан эни 7 миллиметрли яшил рангли йўл, унинг икки четидан эса сариқ рангли энсиз чизиқлар билан ҳошияланган эни 2,5 миллиметрли иккита оқ рангли йўл ўтган. Шойи лентанинг чекка қисмлари бўйлаб эни 2,5 миллиметр бўлган мовий рангли йўллар ўтган.

Қадағичнинг бўйи – 16 миллиметр, эни – 25 миллиметр.

Қадағичнинг орқа томонига эсдалик нишонини кийимга тақиб қўйиш учун тўғноғич кўринишидаги мослама ўрнатилган.

president.uz